

BISAYA

ANG ISLAM

nagatuo nga kining kalibutana ug ang sulod ni ini adunay magbubuhay mao ang labaw nga makagagahom walay lain mao ang Allah I og wala siya'y kaoban, Siya ang adunay katungod nga dapat pagasimbahon sa tanan niyang mga gibuhay, nagatuo pod ang Islam nga ang Allah I nakahibalo sa tanan niyang mga ginabuhay og iya kining Nakita og Nadungog. Nagatuo pod ang Muslim nga ang labaw na makagagahom naasa ibabaw nining mga kalangitan, likayan ang pagtuo og pagsimba sa iyang mga gibuhay sama sa mga tawo og anghel, Siya lamang ang dapat pagasimbahon. Ang Islam nagatuo pod nga wala gibuhay sa Allah I ang mga tawo aron musupak sa iyang mga gisugo, kundili gibuhay ang tawo aron mag-ampo sa labaw nga makagagahom mao ang (Allah I). Adlaw sa paghukom pagabuhi-on sila og iya kining pagahukman sa ilang mga sala nga ginabuhay niing kalibutana sa panahon nga buhi pa sila.

ANG ISLAM

nagatuo nga ang Allah I adunay mga anghel nga naay kalainan sa mga tawo. Gibuhay sila gikan sa kahayag (nur), og adunay tahas sa ilaha gikan sa labaw nga makagagahom mao ang Allah I pananglitan si Anghel Gabriel tagadala og mensahe gikan sa Allah I para sa mga Propeta, aduna poy anghel tagakuha og kalag (ruh), anghel taga-imbestiga sa atong lubnganan, tagasulat sa mga maayo og maot nga binahatan.

ANG ISLAM

nagatuo nga ang Allah I nagpadala og mga mensahe sa iyang mga Propeta pananglitan: Torah (kay Moses), Ebanghelyo (kay Hesus), Salmo (kay David), og ang kataposan ang Qur'an nga gipadala kay Propeta Muhammad, sa tanan niining mga kasulatan naga tudlo sa usa ka mensahe mao ang Pag-ampo lamang sa usa ka diyos walaylain kundi ang Allah I. Pag-agi sa mga ubang panahon ang mga solud niini ila kining giusab. Sila ang mga tawo na adunay dili maayo nga panghunahuna sa relihiyon nga gipadala sa labaw nga makagagahom, sila pod ang mga tao nga gikuha nila ang bahandi ug salapi sa mga katawhan sa dili maayo nga

nga kompleto, milyon pamaagi. Gawas sa Qur'an nga gipadala sa Propeta Muhammad sa mga muslim sa tibuok kalibutan bata, tigulang, babae ug lalaki ang nakamemoriya niini (cover to cover). Kining Qur'an, kaluoy (Rahma) gikan sa Allah (subhanahu wata'ala) sa mga katawhan ug siya mismo ang nagaproteksiyon gikan sa pag-usab sa sulod niini. Gibalik niya sa sulod nining Qur'an ang mga nawala nga mga naunang rebelasyon, ug puno kini sa mga sayantipikong ebedensiya nga ila kining nadiskobre sa panahon karon, ug naghagit sa katawhan

ANG ISLAM

nagatuo nga ang labaw na makagagahom mao ang Allah I iyang gibuhat si Propeta Adan gikan sa yuta o abog, ug siya ang una nga tawo na nakasulod sa iyang paraiso. Si propeta Adan ningkanaug dinhi sa kalibotan kauban ni Eva. Ang iyang mga anak o kaliwat aduna silay pagsulay. Paglabay sa mga ubang panahon daghan sa iyang mga kaliwat, ang nangawala sa tul-id nga dalan, tungod kay Satanas nga nagtintal para sila mag-ampo as mga rebulto, santo ug uban pang nga gibuhat sa labaw nga makagagahom (Allah I). Tungod niini ang Allah (Subhana Wata'ala) nagpadala siya ug mga Propeta ug mensahero para ipaabot sa ilaha ang maayong balita sa pag-ampo lamang sa usa ka diyos walay lain Ang Allah (Subhanahu Wata'ala) mao kini ang gitawag sa Arabic na "Tawheed Al-ulohiyah" ug likayan ang pagsimba sa mga rebulto, santo ug uban pang gibuhat sa labaw nga makagagahom. Pananglitan sa mga Propeta sila Noah, Abraham, Moses, Hesus anak ni Maria, ug ang katapusan si Propeta Muhammad nga siya ang selyo sa tanang mga propeta (ang kaluoy ug kalinaw gikan sa Allah I mapasailang tanan). Ang usa ka muslim (mga tawo nga nagatuman sa gisugo o gimando sa labaw nga makagagahom) dili matawag na tinoud nga muslim kun dili sila mutuo sa tanang mga propeta nga walay kalainan ug mahalon silang tanan.

ANG ISLAM

nagatuo, sa tanang nahitabo niining kalibutana gikan sa kabubut-on sa labaw na makagagahom mao ang Allah I nga iya na kining nasulat usa paman mahitabo ang tanan. Tungod niini ang mga katawhan gisugo sa Allah I nga magbuhat ug 'ibadah (mga maayong binuhatan) para lamang sa Allah I, siya ang magatubag sa iyang mga gibuhat dinhi sa kalibutan, sa adlaw sa paghukom. Kinahanglan sundon ang gimando sa iyang Diyos ug dili siya magreklamo kung unsa man ang gihatag sa iyaha sa labaw nga makagagahom dili siya magduha-duha sa pagtuo niini. Maoni ang gitawag sa arabic nga Al-qadar.

ANG ISLAM

nagasugo sa pagminahalay, pagbuhat ug maayo, dignidad, maayo na pagdumala sa pamilya, ug maayo nga pamatasan. Ginadili ang pandaog-daog, paggamit sa dili asawa (fornication), pagpangawat, pangilad, pagpatay, panlibak, panginsulto ug sa tanang dili maayo nga pamatasan. Ang sayop nga binuhatan sa ubang kamusliman wala nila napakita sa mga katawhan ang mayo nga gitudlo sa Islam ug ilang napakita as katawhan ang kadaotan niini (Islam).

ANG ISLAM

walay kalainan sa puti ug itom, adunahan ug pubri, arabo ug dili arabo. Gawas niini ang Islam nagalantaw kung kinsa ang adunay kahadlok (Iman), nagabuhat ug mga maayo. Siya ang tawo nga mas duol sa diyos mao ang Allah (Subhanahu Wata'ala).

ANG ISLAM

nagasugu ug permamente nga pagpangayo ug pasaylo sa labaw na makagagahom mao ang Allah (Subhanahu Wata'ala). Sa mga tawo nga adunay maot nga binuhatan, kinasing-kasing ang pagpangayo ug pasaylo, pagkahuman iyang huna-hunaon dili na kini pagabuhaton. Bisag unsang oras niya kini pagabuhaton ang pagpangayo ug pasaylo diretso sa labaw na makagagahom mao ang Allah (Subhanahu Wata'ala), walay makababag niini padulong sa Allah I tungod mao kini ang iyang koneksiyon sa nagbuhat sa iyaha mao ang diyos nga walay kauban nakakita sa iyaha ug nakadungog, nakaibalo kung unsaman ang anaa sa iyang kasing-kasing ug hunahuna.

ANG ISLAM

nagasugu ug permamente nga pagpangayo ug pasaylo sa labaw na makagagahom mao ang Allah (Subhanahu Wata'ala). Sa mga tawo nga adunay maot nga binuhatan, kinasing-kasing ang pagpangayo ug pasaylo, pagkahuman iyang huna-hunaon dili na kini pagabuhaton. Bisag unsang oras niya kini pagabuhaton ang pagpangayo ug pasaylo diretso sa labaw na makagagahom mao ang Allah (Subhanahu Wata'ala), walay makababag niini padulong sa Allah I tungod mao kini ang iyang

koneksiyon sa nagbuhat sa iyaha mao ang diyos nga walay kauban nakakita sa iyaha ug nakadungog, nakaibalo kung unsaman ang anaa sa iyang kasing-kasing ug hunahuna.

ANG ISLAM

nagasugo ug kalempiyo, pagkuha sa mga butang nga adunay hugaw (impurities), na adunay dili maayo nga apekto sa mga katawhan, ug sa iyang palibot.

ANG ISLAM

nagasugo sa pag-hatag ug respeto sa mga kababaihan, pag-hatag sa ilang mga katungod. Pag-hatag sa mga butang nga ilang mga kinahanglanon, kuwarta ug uban pa, pag-hatag ug bahandi nga gikan sa ilang mga ginikanan ug maayong pamatasan sa ilaha (kababaihan).

ANG ISLAM

nagatugot sa paggamit ug bag-o o moderno nga pamaagi nga makatabang ug sayon sa mga katawhan sa ilang mga panginabuhi, sa kondisyon nga dili kini sukwahi sa balaud sa Islam.

ANG ISLAM

adunay klaro ug sayon nga balaud. Sa tanang maayong mga binuhatan (pagsamba sa labaw na makagagahom), adunay basihan nga pagasundon sa usa ka muslim. Nga wala nagagikan sa huna-huna sa usa sa tawo, kundili kini nagagikan sa labaw nga makagagahom mao ang Allah I nga maoy pagasundon sa mga katawhan.

ANG ISLAM

nagsalikway sa mga dautan nga mga tawo nga nagahatag kini ug kastigo nga maot nga binuhatan hangtud makuha sa mga katawhan ang seguridad sa ilang mga sarili, mga bahandi ug manginabuhe ang mga katawhan kauban ang kalinaw. Gisugo sa Islam nga iyang protektahan ang lima nga botang nga importante: Ang Panghuna-huna, ang Kinabuhe, ang Pamilya, ang Bahandi o Salapi ug ang Relihiyon (deen).

ANG ISLAM

nagasugo sa pagbuhat ug pagsimba (lima ka higayon solod sa 24 oras) para lamang kini sa labaw na makagagahom mao ang Allah I, pagabuhaton kini sa insaktong oras. Ang Pagsimba (Salah) naghatag ug kusog ug koneksiyon sa usa ka muslim ngadto sa iyang Diyos (na nagabuhat niinig kalibutana mao ang Allah I). (tan-awa ang likod niini).

ANG ISLAM

nagasugo ug pag-hatag sa gagmay nga kantidad gikan sa iyang bahandi sulod sa usa ka tuig, ihatag kini sa mga pubri ug nagakinahanglan niini, gikan sa mga tawo nga adunay daghang bahandi o kayamanan. Maoni ang gitawag nga ZAKAH, ang tumong niini paglimpyo sa iyang kabtangan, pagpakita sa mga pubri ug maayong binuhatan.

ANG ISLAM

nagasugo ug PAG-PUASA (fasting) sa usa ka bulan kada tuig. Sa pag-puasa ang dili pagkaon ug pag-inom gikan pagbanagbanag ug kabuntagon hangtod sa pagsallop sa adlaw. Mao kini ang gitawag nga buwan sa Ramadan, gisugo kini sa Allah I para mahinumduman sa mga Muslim nga adunay mga tawo na nagalisod, pag-amping sa iyang panglawas (kalusugan), pagsulay sa pagtuman sa iyang mga sulogo-on.

ANG ISLAM

nagasugo sa pagbuhat ug HAJJ usa lamang ka beses sulod sa iyang kinabuhe kung iya kining makaya. Ang pagbuhat niini ang pag-adto sa Makkah (usa ka lungsod sa Saudi Arabia), ug iyang pagabuhaton ang mga rituwals nga mga kinahanglan, usa ka pagsunod sa mga lakang nina Propeta Abraham, Propeta Hesus, propeta Muhammad ug uban pang mga propeta.

ANG ISLAM

gipadala sa katawhan ugnagatuo nga ang Propeta Muhammad ang iyang mensahe para sa tanan ug walay kalainan niini sa mensahe sa ubang mga propeta. Sa mga nakadongog ug nakasaksi sa iyaha kinahanglan

mutuo ug pagasundon ang iyang mga gisangyaw (teaching). Ang Allah I (labaw na makagagahon) wala nay lain nga relihiyon na iyang pagadawaton sa adlaw sa paghukom kundili ang Islam (ang relihiyon sa tanang mga Propeta).

ANG ISLAM

maoni ang pagsimba sa Allah I sa pamaagi nga gitudlo sa iyang Propeta (sallawhu ‘alayhi wasallam). Kini ang gitawag nga “hadith” mga gitudlo o kahibalo sa mahal nga propeta, gisulat kini sa mga bantog nga manunulat ug adunay kahibalo niini mao sila: Iman Bukharee, Imam Muslim ug uban pa. Ang Islam wala nagatudlo sa pagbuhat ug mga bida’ah (mga buluhaton na wala gihemo sa mahal na propeta), khurafaat (mga buluhaton na gikan sa huna-huna sa tawo nga sukwahе sa gitudlo sa mahal nga propeta), dili kini madawat sa mga tawo nga adunay maayo nga panghuna-huna ug sa relihiyong Islam.

ANG ISLAM

maoni ang relihiyon nga dili nagasunod sa mga kahibalo nga gikan sa huna-huna lamang sa tawo nga sukwahе sa mga gisangyaw as mga Sugo ug Propeta. Pananglitan: pagsimba sa mga rebulto ug mga butang nga gibuhаt sa labaw na makagagahom, ang Pagtawaf (paglibot) sa lubnganan, pag-halad (katay) ug hayop sa lubnganan, ang pagpangayo ug tabang sa patay nga tabangan siya sa iyang mga problema.

ANG ISLAM

nagasugo ug Pagtawakkal (adunay pagsalig) sa Allah I, iyang pagabuhaton ang mga pamaagi (means) para sa iyang tumong, ginadili sa Islam ang paggamit ug anting-anting, pagkunsulta sa mga salamangkero o majekero, sila ang mga tawo nga gikuha nila ang kuwarta o bahandi sa mga katawhan sa dili maayo nga pamaagi.

ANG ISLAM

adunay duha kaklase nga selebrasyon, Eid Al-фtr (selebrasyon pagkahoman sa Ramadhan), Eid Al-adha [(selebrasyon pagkahuman sa Hajj (pilgrimage to Makkah in Saudi Arabia)], wala nay lain nga

selebrasyon sa Islam gawas niini, pareho sa mga gibuhay sa mga katawhan karong panahon, ang tanan nilang mga binuhayan musulon sa gitawag na bida'ah (mga buhat nga wala gitudlo sa mahal nga propeta).

ANG ISLAM

nagasugo ug maayo nga pagkahibalo sa iyang relihiyon (Islam) pareho sa pagkahibalo sa mga Ahkham As-sar'iyah (kahibalo sa Islam sama niining mga sumusunod: Taharah (purification), Salah (five daily prayer), Zakah (poor due), Sawm (fasting in the month of Ramadhan), Hajj (pilgrimage in Makkah Saudi Arabia) ug uban pa.